



Broj: 02/b-11-737/24  
Sarajevo, 27.03.2024. godine

Na osnovu Zakona o izvršavanju Budžeta Federacije Bosne i Hercegovine 2024.godinu ("Službene novine Federacije BiH," broj: 7/24) i odobrenih sredstava u Budžetu Federacije Bosne i Hercegovine za 2024.godinu na ekonomskom, kodu 614300 - Tekući transferi neprofitnim organizacijama potpredsjedavajući Doma naroda donosi:

## ODLUKU

### o planu i kriterijima korištenja sredstava tekućih transfera neprofitnim organizacijama za 2024.godinu

#### I

Ovom Odlukom utvrđuje se način raspodjele finansijskih sredstava utvrđenih Budžetom Federacije Bosne i Hercegovine za 2024.godinu ("Službene novine Federacije BiH," broj: 7/24) u dijelu koji se odnosi na Dom naroda Parlamenta Federacije BiH, ekonomski kod 614300 Tekući transferi neprofitnim organizacijama - potpredsjedavajući Doma naroda u iznosu 10.000,00 KM, te uslovi koji korisnici ovih sredstava moraju ispunjavati kao i način isplate sredstava.

#### II

Sredstva iz tačke I ove Odluke bit će korištena prema planu i kriterijima za:

- organizacije iz oblasti: kulture, sporta, turizma, zaštite okoliša i boračke organizacije,
- vjerske manifestacije - tradicionalna okupljanja i sportska takmičenja,
- ostala udruženja građana.

Kriteriji za dodjelu sredstava:

- da se bave navedenim oblastima,
- da su upisani u odgovarajući registar,
- da su registrovani kao udruženje, zaklade, ustanove ili druge pravne osobe čija osnovna svrha nije sticanje dobiti (organizacije civilnog društva).

#### III

O prioritetima raspodjele sredstava iz tačke I ove Odluke, kao i visini pojedinačnih iznosa odlučuje potpredsjedavajući Doma naroda u skladu sa članom 6. Zakona o izvršavanju

Budžeta Federacije Bosne i Hercegovine za 2024.godinu ("Službene novine Federacije BiH," broj.7/24).

#### IV

Potrebna dokumentacija za dodjelu sredstava za :

- **Udruženja iz oblasti kulture, sporta, turizma, zaštite okoliša i boračke organizacije:** zahtjev za dodjelu sredstava, rješenje iz sudskog registra, ID broj, i doznaka o otvorenom tekućem računu podnosioca zahtjeva.

- **Vjerske manifestacije- tradicionalna okupljanja i sportska takmičenja:** zahtjev za dodjelu sredstava, rješenje iz sudskog registra, ID broj, program manifestacije sa tačnim datumom održavanja i doznaka o otvorenom tekućem računu podnosioca zahtjeva.

- **Ostala udruženja građana:** zahtjev za dodjelu sredstava, rješenje iz sudskog registra, ID broj i doznaka o otvorenom tekućem računu podnosioca zahtjeva.

#### V

Odobrena sredstva doznačavaju se na tekući račun korisnika sredstava.

#### VI

Korisnici su dužni pravdati odobrena sredstva u zadatom roku, sa fiskalnim računima.

#### VII

Za realizaciju ove Odluke zadužuje se sekretar Doma naroda Parlamenta Federacije Bosne i Hercegovine.

#### VIII

Odluka stupa na snagu danom donošenja, a primjenjivat će se do kraja budžetske 2024.godine.



Dostaljeno:

- Kabinet potpredsjedavajućeg Doma naroda
- Sekretar Doma naroda,
- Odsjek za računovodstvo, finansije i budžet
- a/a